



II. ATALA

BIZKAIKO LURRALDE HISTORIKOKO TOKI ADMINISTRAZIOA

Ajangizko Udala

Garapenerako lankidetza proiektuetarako dirulaguntzak 2025

Udal Osoko bilkurak 2025eko ekainaren 25ean egindako batzarrean, garapenerako lankidetza proiektuetarako 2025 ekitaldirako deialdia eta oinarri arautzaileak onartu ditu.

Ajangizen, 2025eko uztailaren 1ean. — Alkatea, Koldo Carbonell Oiartzabal

**2024 URTEAN GARAPENERAKO LANKIDETZA PROIEKTUETARAKO
DIRULAGUNTZA JASOTZEKO DEIALDIA ETA OINARRI ARAUTZAILEAK****1. Xedea**

2024 urtean norgehiagoka erregimenean gauzatzeko Garapenerako Lankidetzarako proiektuei ematen zaien dirulaguntza arautzea da oinarri hauen xedea.

Lankidetza eta gizarte sentsibilizazio proiektu zehatzei emango zaizkie laguntzak. Udalak 2024ko maiatzaren 13ko ez ohiko bilkuran onartu zuen Gernika-Palestina deialdi herritarraren 8. Puntuarekin bat, Ajangizko Udalak urtero Garapenerako lankidetzarako onartzen duen dirulaguntza deialdian, Palestinara zuzendutako laguntza elkarteei lehen-tasuna emango die 2024an.

Garapenerako Lankidetzak, herrien arteko elkartasunaren adierazgarri, herrialderik behartsuenei lagundu nahi die, garapenaren bideak etengabe aurrera egin dezaten.

2. Erakunde Onuradunak

2.1. 2024an Garapenerako Lankidetzaren alde lan egiten duten pertsona juridikoak izango dira onuradunak:

- Garapenerako Gobernu kanpoko Erakundeak (GGKE).
- Garapenerako Lankidetzaren alde lan egiten duten nortasun juridikodun irazbaz asmorik gabeko Elkartek eta Erakundeak.

2.2. Dirulaguntzak eskatzeko, elkarte eta erakundeek, ondoko oinarri espezifikoetan, dirulaguntzak arautzen dituen Udal Ordenantzan eta gainontzeko arautegian jasotako baldintzak bete beharko dituzte.

- Legalki eratuak eta dagokion erregistro publikoan inskribatuta egotea, gutxienez urte beteko aintzinasunarekin.
- Bere helburuetan Garapenerako Lankidetzako ekintzak aurrera eramatea egotea, lagunkidetasuna landu eta lankidetza izatea helburu nagusia.
- Irabazi-asmorik ez edukitzea.
- Elkarlanerako ekintzetan esperientzia ziurtatu. Helburuak betetzeko azpiegitura egokia izatea.
- Euskal Autonomi Erkidegoan (EAE) egoitza ezatea, edota Garapenerako bidean dauden Elkartek edo Erakundeak izanez gero, Ajangizko batekin hizketakide-harremanak izatea.
- Egokia den publizitatea eman beharko zaio onuradunen aldetik, hau da, jasotako finantziario publikoarena.

2.3. Ez dira erakunde onuraduntzat joko:

- Emakumeen eta Gizonen Berdintasunerako otsailaren 18ko 4/2005 Legeko 24. artikuluan xedatutakoaren arabera beren onarpen edo funtzionamendu prozedurretan sexu arrazoiengatik baztertzeko elkartek eta erakundeak.
- Sexu diskriminazioagatik zehapen administratibo edo penalen bat izan duten pertsona fisiko eta/edo juridikoak, kasuan kasuko zehazpenean ezarritako epean, Emakumeen eta Gizonen Berdintasunerako otsailaren 18ko 4/2005 Legeko 3. artikuluan eta Emakume eta Gizonen arteko benetako Berdintasunari buruzko martxoaren 22ko, 3/2007 Lege Organikoan xedatutakoarekin bat.

2.4. Herri Administrazioako Erakunde edo Zerbitzuak eta banketxe eta aurrezki kuttak ezingo dute dirulaguntzarik jaso.

3. Dirulaguntzaren gehieneko kopuru osoa

Deialdi honetara bideratutako kreditua mila eurokoa da (1.000,00 euro) udal aurrekontuko 231.48105 partidaren gain,

Dirulaguntza hau eta beste erakunde publiko edo pribatuetatik jasotako bestelako laguntzak, diru-sarrerak edo baliabideak bateragarriak izango dira, Dirulaguntzak emateko



Arauek jasotzen dituen Ordenantzan zehaztutakoarekin bat, beti ere, guztien zenbateko osoa, proiektuaren zenbatekoa osoa gainditzen ez duen bitartean.

4. Diruz lagundu daitezkeen proiektu eta gastuak

4.1. Diruz lagundu daitezkeen proiektuak.

Honako ezaugarri hauek betetzen dituzten proiektuei emango zaie dirulaguntza:

- a) Garapenerako bidean dauden herrietan burutzea.
- b) Gizarte garapen eta ekonomiko orekatu bat, edota osasun, hezkuntza, ongizate, kultura, giza eskundeen promozioa, demokraziaren garapena, norbanako eta taldekako askatasunak, eta abar arloak izan ditzatela helburu.
- c) Laguntzak herritar guztientzat izatea, arraza, erlijio, sexua eta abar kontutan izan gabe.
- d) Inposaketa kulturala bazter batera utzi eta herriaren ingurugiroa eta idiosinkrazia errespeta dezatela.
- e) Herritarren parte hartze demokratikoa bultzatu dezatela.
- f) Herritarrak hurbiltzeko asmotan, garapenaren, arrazakeriaren, xenofobiaren eta giza eskubideen lankidetzaz arazoak eta oinarriak azaltzen dituzten programak, laguntza jaso ahal izango dute.

4.2. Diruz lagundu daitezkeen gastuak.

- a) Proiektuaren izaerari eta garapen normalari erantzun dioten eta epearen barruan egindako proiekturako beharrezko gastuak, koste zuzen bezala diruz lagungarriak izango dira, beti ere azaroaren 17ko 38/2003 Dirulaguntzen Lege Orokorren eta Dirulaguntzen Ordenantzan zehaztutako baldintzekin.
- b) Proiektuari zuzenean lotutako administrazio gastuak zeharkako kostu modura lagungarri izan ahalko dira. Gastu horiek ez dira inolaz ere emandako dirulaguntza kopuruaren %5a baino gehiago izan.

5. Eskakerak: aurkezpena eta epea

Eskakerak Ajangizko Udaleko Erregistro orokorrean edo Ajangizko Udaleko sede elektronikoaren bidez (www.ajangiz.eus Tramiteak on line) aurkeztu beharko dira, Mendieta auzoa, z.g. eredu ofizialak eskatutako baldintzak betez.

Eskakerak aurkezteko eredu ofiziala erregistro-bulegoan edo Ajangizko Udaleko web orrian eskuratu daiteke: www.ajangiz.eus (Eskabideak eta agiriak).

Udalak beharrezkoak diren egiaztapenak eta kontsultak egingo ditu Administrazioak dituen parte-hartzaileen datuak direla-eta, datuok beharrezkoak direnean dirulaguntza honen izapidetze administratiborako. Horretarako, Bizkaiko Elkarreragingarritasun Nodoa eta bestelako elkarreragingarritasun-zerbitzuak erabiliko ditu.

Arrazoi teknikoak direla eta, ezinezkoa bada elkarreragingarritasunera jotzea, Udalak izapideak egiteko beharrezkotzat jotzen dituen datuak edo dokumentuak eskatu ahal izango ditu.

Eskaera aurkezteak, Dirulaguntza honen deialdi eta oinarriak eta Dirulaguntzak emateko modua arautzen duen Ordenantzak jasotako guztiaren onarpena suposatzen du.

5.2. Aurkezpen epea.

Eskakerak aurkezteko epea, deialdia Bizkaiko Aldizkari Ofizialean argitaratzen den egunaren hurrengotik hasita hilabete naturalekoa izango da.

6. Salbuespenak

Onuradunek ez dituzte dirulaguntzak jasoko instantziak aurkezteko epean Udala eta Foru Ogasunarekiko eta Gizarte Segurantzarekiko zerga-betebeharrak eguneratuta ez badituzte; era berean, Dirulaguntzak emateko modua arautzen duen Ordenantzak araututako arrazoiengatik ere. Ziurtagiriak aurkezte hutsak ez du esan nahi ziurtagiri horiek egokiak direnik.

**7. Betebeharrak**

7.1. Onuradunak Emakumeen eta Gizonen berdintasunerako otsailaren 18ko 4/2005 Legean ezarritako printzipio orokorrak bete beharko ditu bere jardunetan.

7.2. Onuradunak ezin izango du hizkuntza sexistarik erabili bere dokumentu, publizitate, irudi edo materialetan; irudi diskriminatzaileak eta estereotipo sexistak sagiestuko ditu; eta sustatuko duen irudian berdintasun balioak, presentzia orekatua, dibertsitatea, erantzunkidetasuna zein rolen eta genero-identitateen aniztasuna isladatuko da.

7.3. Onuradunak emandako dirulaguntza onartu egin beharko du. Dirulaguntza eman izana jakinarazi eta hamabost eguneko epean pertsona edo erakunde onuradunak dirulaguntzari berariaz eta idatziz uko egiten ez badio, dirulaguntza onartu duela ulertuko da.

7.4. Proiektuan edozein funtsezko aldaketa egiteko, bai garapenean zein exekuzioan, zein hartzaile edota bertako protagonisten aldetik, proiektua egiteko epea amaitu aurretik Ajangizko Udalari aurkeztu beharko zaio idatziz aldaketa, beronek espresuki baimendu dezan.

8. Eskabideak baloratzeko irizpideak

Dirulaguntzak emateko prozedura norgehiagoka izango da. Prozedura horretan dirulaguntzak emateko aurkeztutako eskabideak elkarrekin konparatzen dira, haien arteko lehentasuna ezartzeko.

Udalak duen kreditua kontutan hartuta, proiektu bakoitzak lortutako puntuazioaren arabera banatuko da proportzionalki kopurua (beti ere proiektuaren finantziazioaren %75a gainditzen ez baldin bada).

Ajangizko Udalak honako irizpide eta balorazio mugak hartuko ditu kontutan (gehienez 100 punturaino). Gutxienez 50 puntu lortzen ez dituzten egitasmoek ez dute dirulaguntzarik jasoko.

- a) Proiektuaren interesa eta egokitasuna, gehienez 40 puntu.
- b) Eskatzailearen kaudimen ekonomikoa, gehienez 15 puntu.
- c) Proiektuaren bideragarritasuna, gehienez 15 puntu.
- d) Emakumeen eta gizonezkoen arteko berdintasuna sustatzen dituzten ekintzen intzidentzia, gehienez 10 puntu.
- e) Proiektuaren gizarte helburuak, gehienez 10 puntu.
- f) Ajangizko herritarren inplikazioa, gehienez 10 puntu.

Dirulaguntzak urtean zehar burutzen diren proiektu eta gastuetarako izango dira.

9. Prozeduraren instrukzioa

Prozeduraren organo instrukzio-egilea ongizate arloko zinegotzia izango da.

Dirulaguntza eskaerak jasota, Ogasun Batzordeak egingo du haien egiaztapen eta azterketa, Baliospen Batzorde bihurtuta.

Eskaerak aurkezteko epea igarota, eskaeran antzemandako hutsak konpontzeko eskatu ahal izango dio interesatuari Batzordeak; horretarako hiru laneguneko epea izango du, jakinerazpena egiten den biharamunetik hasita. Jakinerazpen horretan adieraziko zaio, emandako epean hutsa konpontzen ez badu eskaera bertan behera uzten duela ulertuko dela.

Aurkeztutako eskaerak aztertu ostean, eta hala badagokio, hutsak konpontzeko epea amaituta, Batzordeak txostena egingo du, gutxienez honako datu hauek jasoaz: ezetsitako eskaerak eta ezetzaren zergatia, aintzat hartutako eskaerak, horiei eman beharreko dirulaguntzaren kopurua eta oinarrietan aurreikusitako eskakizunak betetzen direlako ziuragiria.

Organu bideratzaileak txostena jaso ostean, beste txosten bat egingo du, eta bertan bere esku duen informazioaren arabera onuradunek dirulaguntzak jasotzeko beharrezko eskakizun guztiak betetzen dituztela jarri beharko du.



Organu instruktoreak ebazpen proposamena egingo du, Baliospen Batzordeak emandako txostena oinarri hartuta, dirulaguntza ematen duen organuaren aurrean, Alkatearen aurrean alegia.

Ebazpenean berariaz, honako hau jasoko da:

- Eskatzaileen zerrenda.
- Dirulaguntzak jasoko dituzten onuradunak eta zenbatekoak.
- Balorazio irizpideak.
- Gainerako eskaerak ezesteko zergatiak.

Prozedura ebazteko eta jakinerazteko gehieneko epea hiru hilabetekoa izango da, eskaerak aurkeztutako epea amaitu eta hurrengo egunetik hasita. Epea igarota berariazko ebazpenik eman eta jakinerazi ez bada, interesdunek eskaera ezetsi egin zaiela ulertuko dute, administrazioak erantzunik eman ez duelako.

Herri Administrazioen prozedura erkidearen urriaren 1eko 39/2015 Legeak araututakoaren arabera egindako da ebazpenaren jakinerazpena.

Berariazko ebazpen-egintzen kontra, berraztertze errekurtoa jarri ahal izango da egintza eman duen organuaren aurrean, edo zuzenean, administrazioarekiko auzietarako errekurtoa.

10. Dirulaguntzen zenbatekoa eta ordainketa

Eskatutako gastuen %75 finantzatu ahal izango da, oinarri hauetan xedatutako kreditu osoa muga dela.

Onuradunari emango zaion zenbatekoa Balioespen Batzordeak egindako txostenean zehaztutakoa izando da, zortzigarren oinarrian finkatutako irizpideak oinarri hartuta.

Dirulaguntzaren zenbatekoa, ez bakarka ez beste dirulaguntza batzuei lotuta, ezin izango du gainditu, onuradunak garatu beharreko jardueraren kostua.

Dirulaguntza ematen duen organuaren ebazpena eta gero ordainduko da dirulaguntza.

11. Justifikazioa

Jasotako dirulaguntzak egiaztatzeko, onuradunak honako dokumentazioa aurkeztu beharko du:

- Justifikazio memoria
- Diru-sarrera eta gastuen balantzea.
- Faktura eta ordainketa ziurtagirien kopia.
- Helburu berdinarekin beste erakunde batzuei eskatutako finantziario iturrien edo/eta eskatutako dirulaguntzen zerrenda (onartutakoak edo ebatzi gabeak).
- Egindako publizitatearen ale bat.
- Sortutako materialaren ale bat.

Justifikazioa aurkezteko epea 2023ko otsailaren 28rartekoa izango da, egun hau barne.

12. Arau haustekak, zehazpenak eta itzulketak

Arau-hausteei eta zehapenei buruzko guztia Dirulaguntzak emateko modua arautzen duen Ordenantzak xedatutakoaren arabera egingo da.

Itzulketarako prozedura eta arrazoiak dirulaguntzak arautzeko ordenantzan xedatutakoak izango dira.

13. Araubide juridikoa

Oinarri hauetan xedatu ez den guztian Dirulaguntzak emateko modua arautzen duen Ordenantzak jasotzen duena aplikatuko da.